

英赴俄，来函亦欲不稍迁就，但虑彼不与议，或姑议而无成，终无退步。其眷属似须留英，又仍兼英、法使事，固未能勉效苏武耳。手此，复颂勋祺，摹壁晚谦。馀不具。年愚弟李鸿章顿首。

G6-03-011

复丁雨生中丞^①

光绪六年三月十八日夜

雨生仁弟大人阁下：

正月间接十二月初十日手书，顷又奉三月初一日惠翰，两次抄寄致总署函，语语中肯，足启蒙昧，公忠荃画，佩慰曷任。自腊徂正，众论纷纭，举棋不定，鄙人唯嘿尔以听当轴之指挥。迨春正月二十一密谕，以天津、烟台、营口海防属之不才。适丹崖电报，英海部允售八角台铁甲船二只，与总署再四絨商，始拒继允，仍不肯筹借四成洋税，所指闽省七十馀万，恐不可靠，姑具奏定案，已抄札咨明冰鉴矣。顷得丹崖电复，谓其价必须趸付，英海部换人，允售与否尚未定。将来即肯售，究以何项趸付。幼丹颇怪兄不决议购铁甲，独不思孰是筹款之人。今有成议，而无处凑钱，能勿令任事者心□耶。大连湾洵为北洋要区，然非有铁甲一号，快船兵轮十馀号，断扎不住。现只蚊船四号，其何于济。龙、虎、霆、电四船，吴子健函牒交催，业经奏拨南洋，势难失信，二月杪即遣令赴沪修理，由江督调遣。省三业经奏调，未必即出。春霆闻已北上，尚不知作何位置。唐景星探称，俄调东海兵船十二只来上海、香港等处。电信又云，新遣水师抚督来华，与尊处探闻略同。去冬迄今，中外谣传，调兵集饷，将有战争，俄人岂无戒心。我防俄而俄亦必防我，未必即开兵端，但早迟终恐不免。劼刚正月杪得使俄电音，惶惧无措，闻四月杪由英北行，副使难其得人。俄不与议事，将若之何。召民函称，过揭时力劝执事出山，而来示则云双足肿痛不能下床，其信然耶。廷议纷纷，保荐丹崖初仲良外，未及执事。嗣文星翁专保阁下，是否已有廷寄在途，名满天下，谤亦随之。金怪执事能论事而不肯任事以为取巧。足疾少瘥，幸即投袂而起，择一艰巨自任，共雪此耻。后路粮台，及督办粤厘，皆不足尽其才也。手此复颂起居，馀俟面罄。不一。鸿章顿。

① 原稿无年代，以曾纪泽充出使俄国钦差大臣事在光绪六年正月，姑置于此。